



Osumnjičen izvršni direktor 'Unsko-sanskih šuma'

SIPA zbog korupcije saslušala Fadila Šehića



Šehić: Teške optužbe

Priveden u Bihaću u nastavku akcije „Koverta“

U nastavku akcije u predmetu „Koverta“, policijski službenici Državne agencije za istrage i zaštitu (SIPA) priveli su jučer u Bihaću Fadila Šehića, izvršnog direktora u Šumsko-privrednom društvu „Unsko-sanske šume“, nezvanično nam je potvrđeno iz ove agencije.

Šehić je nakon toga sa-

slušan zbog sumnje da je počinio krivična djela organiziranog kriminala, primanja dara i drugih oblika koristi i zloupotrebe položaja ili ovlaštenja.

Pripadnici SIPA-e jučer su pretresli i dva objekta na području Bihaća u vlasništvu Šehića, a te aktivnosti provedene su po naredbi Kantona-

lnog suda i tužilaštva u Bihaću.

Akcija „Koverta“, u kojoj su do sada uhapšene četiri osobe zbog organiziranog kriminala i krivičnih djela korupcije te jedna osoba zbog ometanja rada pravosuđa, počela je u junu.

Među uhapšenima je i direktor „Unsko-sanskih šuma“ Đevad Muslimović. *M. Aš.*